

Jahresbericht der Frauenturngruppe

Von Silvia Rolli

«Grübel, grübel, was isch jetz scho ume gsi? Ah ja im Januar si mer wider gstartet mit em Turnbetrieb! Mir hei o i däm Jahr ab u zue dr turnbetrieb mit de Seniorinne zäme gleit was sech i mine ouge bewährt u üs o nöcher bringt.
Im Juni hei mer dr Turnbetrieb bi schönem Wätter o es paar mau use verleit. D Manuela het mit üs luschtegi spiel gmacht hei mer üs doch einisch über es Minefäud sölle bewege ohni das es «Chlepft». Es angers mau het si Wasserballön i normali ine gstungget u mir hei de die unmügliche Flugobjekt enander sölle zue wärfe was mit viel glächter chum isch müglech gsi.
I de Summerferie hei o wider mehreri Froue am Louffescht z Bärn mitgmacht Bravo!
Nach de Herbstferie hei mer dr Turnbetrieb müesse apasse denn mir si 5 Froue wo mit dr Männerrige ä Reige für ä Unterhaltigsabe istudiere u da si mer uf äs flexibels Leiterteam agwise.
I möchte mine Kolleginne er Manuel u er Barbara, wo ab sofort hie u da ispringt, de beide Leiterinne vor aute Halle em Käthi u er Esther für ihri flexibilität u mithiuf ganz hätzlech danke
I wünsche er ganze Turnfamilie fürs neue Jahr aus guete u freue mi uf ä Unterhaltigsabe.

Libä Gruss Silvia